



Broj: 01-98/13
Vareš, 27.03.2013.godine

Na osnovu člana 22. Statuta općine Vareš – Prečišćeni tekst, broj: 01-162/12 od 11.09.2012. godine i člana 10. Poslovnika o radu Općinskog vijeća Vareš – Prečišćeni tekst, broj 01-109/09. od 29.04.2009.godine i broj 01-16/12. od 30.01.2012. godine, Općinsko vijeće Vareš na 6. sjednici održanoj 27.03.2013. godine, d o n o s i

O D L U K U

o izmjenama i dopunama Odluke o naknadama vijećnika i članova radnih tijela Općinskog vijeća Vareš

Član 1.

U Odluci o naknadama vijećnika i članova radnih tijela Općinskog vijeća Vareš – Prečišćeni tekst, broj: 01-17/11. od 18.01.2011. godine u članu 2. stav 1. mijenja se i glasi:

„ Vijećnici u Općinskom vijeću imaju novčanu naknadu za svaku održanu redovnu, vanrednu i tematsku sjednicu Općinskog vijeća i to:“

U istom članu tačka 2. mijenja se i glasi:

„Zamjenik predsjedavajućeg, vijećnik/ca – predsjednik Kluba vijećnika i samostalni vijećnik političke stranke ili koalicije u Općinskom vijeću, koji nema Kluba, a učestvuje u radu Kolegija Općinskog vijeća Vareš“.

Član 2.

U članu 3. iza stava 1. dodaje se novi stav 2. koji glasi:

„Naknadu iz stava 1. ovog člana nemaju vijećnici ako učestvuju u radu radnog tijela Općinskog vijeća Vareš u danu kada se održava i sjednica Općinskog vijeća Vareš.“

Dosadašnji stav 2. postaje stav 3.

Član 3.

Član 4.a mijenja se i glasi:

„Predsjedavajući Općinskog vijeća ima pravo na troškove korištenja mobitela u iznosu do 50,00 KM mjesečno“.

Član 4.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Zdravko Marošević

O b r a z l o ž e n j e

Pravni osnov za donošenje ove Odluke sadržan je u članu 22., a u vezi sa članom 19. Statuta općine Vareš.

Razlozi za donošenje ove Odluke su da se kroz izmjene i dopune Odluke preciznije utvrdi ostvarivanje naknada za rad i angažovanje u radu vijećnika u Općinskom vijeću i u radu radnih tijela Općinskog vijeća.

Isto tako jedan od razloga je da se kroz ovu Odluku izvrši i ušteda u korištenju budžetskih sredstava.

Za realizaciju ove Odluke nisu potrebna dodatna finansijska sredstva, te predlažem Općinskom vijeću da ovu Odluku usvoji u predloženom tekstu.

**OVLAŠTENI PREDLAGAČ
OPĆINSKI NAČELNIK**

Kovačević Avdija dipl. pravnik